

L'ESSOR FASO KUMAKAN

SIBIRIDON, ZUWEN KALO TILE 29, SAN 1985

Peresidan Musa TARAWELE seginna ka bò Nèwu yòriki



"UDPM" SEKERETERI ZENERALI NI MALI JAMANA KUNTIGI ZENERALI MUSA TARAWELE BE KUMA LA "PNUD" JEKULU NYE NA.

Hakililagigin siratigè la, "FASO kumakan" nimò tèmènen kònò, jirala kò fèn minnu bòra Peresidan Musa TARAWELE ka Nèwu Yòriki taama kònò, o bëna da jama tulo kan.

O hukumu kònò, a tun fòra ko taama in labènkun tun ye Mali sigiyòrò minèn foli ye "PNUD", n'o ye jamana yérémahorònyalenw ka tònba "ONU" bolofara ye, min nyèsinnen bë yi riwalikow fèerew na folokow dantigèli ma, o ka kùnbèn 52 nan kènè kan.

Taratadon, zuwèn kalo tile II, san 1985, Mali kelenya Pariti "UDPM" sekretèri generali ni jamana kuntigi zenerali Musa TARAWELE ye kuma ta "PNUD" jekulu nyè na, k'a jira k'an ka jamana bë saheliyanfan yòrò degunnenbaw cèma, jakóngò n'a masibaw tè ka tò to minnu na a ko an file don min na i ko bi, balodesè bë Mali la fo, k'a se tòni 481.000 ma. O dun ye fèn ye min tè taa kòkan dèmè kò.

Mali ye cèsiri min kè yérélabò sira kan sumanko la, Peresidan Musa TARAWELE y'e fèsèfèsè jama ye, k'a daminè dugukòrò jiw nyinini la k'u don hadamanenw ni baganw manganèye da fè, ka tèmè

dugumogòw ka nkaniyaw sirilenw fè u yèrèw ye, u ka bònogòla sira kan, k'a bila dugutònw sigili la jamana maraw bée kònò.

Mali Peresidan k'an y'an seko ñamajira kè jamana bòli la sègèn ni nyani la, nka o n'a ta bée, an magoba bë kòkan dèmè kologirinw na, k'an ka sòrò lawuli, k'a bila sira nyuman kan, jamadenw bée ka

hèrè sòròli siratigè la.

Zenerali Musa TARAWELE ka Nèwu Yòriki jèmukan kònò, a da sera dinyè sòrò siraw damakènyèbaliya ma, k'a ka nisongoya jira jamana hòrónyalen kuraw ka juru cayali kan.

A ka taama sen fè Nèwu Yòriki, Peresidan Musa TARAWELE ni "ONU" sekretèri zenerali Perèzi DE KUWELARI ye nyogòn kumanyogonya.

nyinan sunkaloseli kuncèra ni danni sanji ye

San 1985, sunkalo seli kèra Mali fan bée kònò, alamisa, zuwèn kalo tile 20 don. Hakililajigin siratigè la, sunkalo daminèra Mali kònò, Arabadon, san 1985 Mè kalo tile 22, min yamaruyara jekulu fè n'o sigira jamana kònòkow minisiriso kère fè, kalokow ja teminèli kòsòn, i ko sunkalow ni selikallow n'u nyogonnaw.

I n'a fò san tòw la, Bamako seli nyémögoya tun b'a misiriba Alimami bolo, n'o ye Laji Musa Balla Kale ye, min ye alisilamè laseli k'a ta jamana fangaso kuntigi, Zenerali Musa TARAWELE ani nyémögò tòw ni alisilame jamanaw lasi-

gidenw na, k'a bila alisilamè misikinèw la, ka tiia k'a kutuba kalan.


O kutuba kònò, a da sera alisilamèya, kelenya, nyogondèmè ani gèlèya ma, k'a jira ko sanjidèsè kelen bë ka tòorò min basigi Mali n'a nyogonna jamanaw kònò, k'o kèleccogo dòye Ala batoli ye ani jurumukow kèli dabillali ye sira bée kan.

Wasako min kèra nyinan sunkaloseli kénè kan, o kèra sanjiba nali ye, sanji min ye mögòw bugò, kabini seli waati sògòmada fè, fo ka se wulada ma, n'a ye dugukolo nyigin, kàsènèkèlaw hakili da danni kan.

taama nafama ni dèmè kologirin

Banki Mòndiyali peresidan, Alidèn KILAWUSEN min ka tile 3 taama kofora dògòkun tèmènen, o kuncèra kari, san 1985 zuwèn kalo 16 don, n'o kèra a segindon ye, Nèwu yòriki, Ameriki jamana kònò.

Dinyè jamana hòrónyalenw bée lajèlen ka warikow nyénabòyòró kuntigi ka taama in sen fè, Mali kònò, a da sera wale kologirin min ma. o ye dèmè ye jako siratigè la, bawo, a



ALIDEN KILAWUSEN



jirala ko gèlèya selén bë hakè min na, sisán, ko ni bolo ma sama Mali n'a nyogonna jamanaw ma, Afiriki saheli kungo kònò, ko kasaara barika tè se ka kùnbèn jamana fè tugun.

O kuma gèlèya fòr'a ye Mali jamana kuntigi, Zenerali Musa TARAWELE yèrè fòlò de fè, minnu

dantigèra Mali minisiri caman fè, k'u misaliw ta, taama kan, jamana kònò, min y'alase Moti mara kònò. A selen yen, a ye sègèn minnu ye, bagankow ni Malosènèkow nyénabòliyòróla, seware, olu y'a nyékòròse cogo bée la, bawo, a yèrè y'a ka dabaliban jira tinyèli yelen kò.

A nalen ka bò Moti, kuma fèn o fèn fòra ani jamana nyémögòw ka kùnbèn n'u ka fanaliw sen fè olu bée yèlenna dèmèli feerew dantigèli de kan, k'a d'a kan, a yèrè ko, k'a ye yèrèdèmè wale minnu ye jamanadenw na, kabini Bamako fò Moti ani ja kèleli dusu min bë bée kònò, k'olu b'a jirako Mali ka kan ni banki Mòndiyali ka dèmè nafama ye, sira bée kan.

A y'a ka jigitugu kumaw kuncè ni foli, tanuni ani kangarida ye, k'u nyèsin jamana nyémögòw ni jamanadenw ma nyogònfe, Foli ni tanuni olu kèra an ka yèrèdèmè

kòsòn, yérédòn kònò, bawo, gèlèya juguya o juguya, Malidénw ye sègèn fisaya malo ya kangarida, o kèra, k'a jira Malidénw bée la, ko gèlèya selén bë yòrò min na sisán, yérélabilà walew, tinyèli ba raw, ko n'olu ma dabilà, ko kòkandèmè tè sémèjiri ye cogo si la.

sumansiw ni nakòfènw sifilèli walew

"CEAO" jamanaw kònò



Ja barika bonya ye "CEAO" jamana kuntigi dòw, sanko minnu bë saheli kungo gèlènmayoròw la, bila feèrè tigèli la, wala ka balodèsè kùnbèn ni walew ye, minnu bë tali k'an yèrèw ka dònniyaw kan.

Sifilèli wale minnu baara kologirin bèna kë Baginda, Mali kònò, n'o jamana de sugandira, k'a kë balodèsèko nyinini feèrèw latèmeyorò ye "CEAO" jamana kofòlen minnu tògò la.

O jamana kuntigiw y'u ka mógo faamuya-lénw fara nyogon kan k'u bila nyinini baa ra gèlèn dò la, sumansiw ani nakòfènw kan, minnu, n'u sifilèla, u bèna jènsèn jamanaw kònò, i ko: Benin, Burukina Faso, Kodiwari, Mali Nizéri ani Senegali n'olu ka cidenw yér'a nyogonyew kènè kan.

O siratigè la, a mógo faamuyalenw y'u ka kùnbèn dò kë Bamako, k'a ta san 1985 zuwèn kalo tile 10 na, k'a bil'a tile 14 na. Kunbèn in sen fè dònnikèlaw da sera yèredémèko ma, bäloko hukumu kònò, k'a jira ko nin feèrè tigèlen in mana sira sórò, a bë fisaya ni kókan sumankisè lase ya cogo bëe la.

an k'an janto an yèrè la

Mali farafin furakow ciyakèda kuntigi dògotorò KUMARE ye jèmukan nafama dò lase malidenw ma, u ni lakanani siratigè la.

A ye jama ladònni-ya k'u ye kòlòsili kë k'a ye, ko mógo dòw b'u yèrèw kë furadònnna yamaruyalenw ye Mali ciyakèda kèrenkèrènne fè, min ka baara nyèsinnen don an ka laadala furaw sifilèli ma, ka banabagatòw nègèn ni fura juguw ye, janko i k'u ka nafolo sórò lòròn.

Dògotorò Kumare i'a jira ko dòw bë yen, yamaruyasèbèn o'u kun, k'a sórò mógo si t'a bòyòrò tòn. U man'o jira iujuratò min na, halì n'i kalannen don, ka gèlèn i kana l'u la.

O siratigè la, dògotorò KUMARE k'a bë wele bila malidenw bëe ma, u kana són móglankolon si k'u nègèn n'u ka fura kùntanw ye, nafa halì kelen tè minnu na.

O tèmènen ko, olu mayamaruyasèbèn di farafin furabòla si ma fòlò a ka baara sira kan.

U ni dòw koni bë baara la nyogonfe, ka fura dòw jatemini, n'u bë magonyè wali ni warinyininan dòròn don kisè maha k'o fura minnu na, fi Ala sonna, o tèna dogo mógo si la.

Nka sanni o cè, ni min mago b'a ni la, o tigilamogò k'a yèrè kòlòsi furabòla juguw la, minnu tè hammi dò wèrè la nafolo sóròli kò, hali n'o sababu bë bò u hadamaden nyogòw ni latinyèli la.

Min ye fura feerela ninnu fana ye, dògotorò KUMARE k'a bë kangari gèlèn d'u ye, ni mógo o mógo minèra fura kùntan feerela, o ka kan ni nyangili min ye, o bë d'o kan, bawo u ni mógo fagalaw bëe ye kelen ye. Biko m'u bila u ta in na, nka a bë fò an bara ko "i mèen'a la, an'i tor'a la, a bëe bë nyogon da, fè".



Taratadon, zuwèn kalo tile 11, san 1985, Mali kelenya pariti "UDPM" sekeretèri zenerali ni jamana kuntigi zenerali Musa TARAWELE ye kuma ta "PNUD" jèkulu nyè na, k'a jira k'an ka jamana bë saheliyanfan yorò degunnenbaw cèma jakóngò n'a masibaw tè ka tò to minnu na. A k'an file don min na, i ko bi, balodèsè bë Mali la fo ka se tòni 481.000 ma. O dun ye fèn ye min tè taa kókan dèmè kò.

sumanko bilama Afiriki kònò

Afirikiden miliyon 465 cè rò, balodèsè gèlèya bë mógo miliyon 150 kan, "FAO" ka fòli la, n'o ye dinyè jamana hòrónyalenw ka tònba "ONU" bolofara ye, min nyèsinnen don baloko ma dinyè kònò.

San 3 laban in na, ja basigira k'a ban Afiriki jamana 2I kònò; o hakè la, jamana 7 bë yen, n'o

ye Etiyòpi ni Mali ni Moritani ni Mozanbiki ni Nizéri ni Sudan ni Cadi ye, balo laseli bèna gèlèya kosèbè minnu ja kasaaratòw na.

San 10 laban in na, Afirikidenw bë ka labugun cogoya la, min bë ka dò fara jamanaw ka sègèn kan; bawo cikè dugukolow bë ka lankolonya ka t'a fè; feèrè nyènamaw fana tè ka

dabali ja kèleli la ni jirituru ye, i n'a fò a këra cogo min na Azi Jamanaw kònò.

Kabini san 1970 waatiw la, balodèsè donna Afiriki kònò. jamana caman tun b'u yèrè labò sumanko la, nka bi-bi in na, olu bëe dësèra u yèrè kòrò, ja basigili këra sababu ye ka hadamaden miliyon caman kë garibuw ye.